

## MINISTARSTVO UNUTRAŠNJIH POSLOVA

### PROGRAM RADA ZA 2004. GODINU

Ministarstvo unutrašnjih poslova Tuzlanskog kantona obavlja poslove i zadatke iz svoje nadležnosti u vrlo složenim bezbjednosnim uslovima, koje karakterišu: visok nivo kriminalnih aktivnosti velikog broja kriminalno aktivnih lica i organizovanih grupa, uz sve veće učestće maloljetnih lica, pa i osoba ženskog pola, a posebno sa aspekta pojave i intenziviranja "novih" i sofisticiranijih oblika kriminaliteta (pljacke, razbojništva, silovanja, narkomanija, trgovina ljudima, prostitucija, prijetnje podmetnutim bombama itd.); i dr. što znatno utiče na opšte stanje bezbjednosti na području Kantona.

Analize stanja bezbjednosti na području Tuzlanskog kantona u cjelini, kao i na područjima pojedinih policijskih uprava, ukazuju na složenost problematike i sve izraženije negativne trendove u ovoj oblasti, posebno sa aspekta pojave tzv. novih oblika kriminaliteta i narušavanja javnog reda i mira (trgovina ljudima, nasilje u porodici, nasilje nad osobama ženskog pola, nasilje nad maloljetnicima, seksualno zlostavljanje, pedofilija, narkomanija, prosićenje i dr.).

Bezbjednosnu situaciju na području Kantona, sa aspekta efikasnosti borbe protiv navedenih i drugih negativnih i nezakonitih pojava, značajno otežava nizak nivo materijalno-tehničke opremljenosti službi Ministarstva i pored nastojanja Vlade TK-a da u okviru svojih mogućnosti finansijski podrži MUP TK.. Iako su u toku 2003. godine značajno intenzivirane aktivnosti po svim segmentima rada, koje su, uz maksimalno angažovanje svih zaposlenih u Ministarstvu i raspoloživih materijalno-tehničkih sredstava i opreme, dali značajne rezultate, ipak, bolji rezultati u narednom periodu mogu se očekivati samo uz adekvatniju materijalno-finansijsku podršku i kvalitetnije rješavanje materijalnog i socijalnog statusa zaposlenih u Ministarstvu unutrašnjih poslova Tuzlanskog kantona.

Aktivnosti obuhvaćene ovim Programom rada, zasnovane su na procjeni stanja bezbjednosti na području Kantona i šire, ostvarenju programskih ciljeva i postignutim rezultatima u toku 2003. godine, te planovima rada svih organizacionih jedinica Ministarstva. Poslove i zadatke iz svog djelokruga rada u toku 2004. godine, Ministarstvo će izvršavati u skladu s prihvaćenim međunarodnim standardima ponašanja policije prilikom provođenja zakona, poštujući ljudska prava i dostojanstvo svakog građanina. Program rada Ministarstva će se uskladiti sa Programom rada Skupštine i Programom rada Vlade Tuzlanskog kantona za 2004. godinu.

U organizaciono-funkcionalnom smislu, prioritetni zadaci Ministarstva u 2004. godini odnose se na implementaciju Zakona o krivičnom postupku BiH i FBiH i Krivičnih zakona BiH i FBiH, kao i usklađivanje podzakonskih akata iz djelokruga unutrašnjih poslova u cilju implementacije međunarodnih standarda u radu policije, a u skladu sa misijom EUPM u Bosni i Hercegovini.

#### UPRAVA POLICIJE

U cilju ostvarenja što bolje lične i imovinske zaštite i sigurnosti svih građana na području Kantona, Ministarstvo će, u toku 2004. godine, aktivnosti uniformisane i kriminalističke policije usmjeriti na: neposrednu zaštitu ljudskih prava i dostojanstva svih građana Kantona; preduzimanje preventivnih mjera u cilju obezbjeđenja što povoljnijeg stanja javnog reda i mira na području Kantona; unapređenje i postizanje što boljeg stanja u oblasti bezbjednosti saobraćaja; sprečavanje i otkrivanje svih vrsta krivičnih djela; zaštitu od mogućih terorističkih aktivnosti i obezbjeđenje štitenih lica, objekata, diplomatskih i konzularnih predstavništava i njihovih predstavnika; otkrivanje i oduzimanje ilegalno posjedovanog oružja, municije i minsko-eksplozivnih sredstava, obezbjeđenje javnih skupova itd. Osnovni pravci aktivnosti menadžmenta policije biće usmjereni na što bolju organizaciju, koordinaciju i usmjeravanje u radu policije, te osiguranje jednoobraznosti u policijskim operacijama sa aspekta poštivanja i dosljednog sprovođenja zakona. To podrazumijeva koordinaciju mjera i aktivnosti iz djelokruga policijskih uprava i policijskih stanica, neposredno rukovođenje i praćenje realizacije planiranih aktivnosti, ukazivanje na uočene nedostatke i nepravilnosti u radu, te nalažanje mjera za njihovo otklanjanje. S tim u vezi, u narednom periodu će se, u skladu sa posebno sačinjenim planovima, vršiti instruktivni nadzor u svim policijskim upravama i policijskim stanicama.

U okviru ovih aktivnosti, u toku 2004. godine planirano je izvođenje više redovnih akcija kantonalnog i lokalnog znacaja koje ce biti usmjerene na unapredenje ukupnog bezbjednosnog stanja na podrucju Kantona, posebno stanja javnog reda i mira, bezbjednosti saobraćaja, kao i akcije usmjerene na sprecavanje izvršenja pojedinih vrsta krivicnih djela, otkrivanje njihovih izvršilaca i preduzimanje zakonom predvidenih mjera.

Znacajna pažnja ce biti usmjerena na kontinuirano strucno obrazovanje i usavršavanje kompletnog policijskog sastava MUP-a TK.

Osim navedenog, aktivnosti policije ce biti usmjerene na unapredenje rada Operativnog centra u sjedištu Ministarstva kao i uspostavljanje efikasnijeg rada i koordinacije sa operativnim centrima policijskih uprava. Ove aktivnosti se odnose na: potražnu djelatnost, pojacan nadzor nad određenim kategorijama ucinilaca krivicnih djela, raspisivanje i objavljivanje kantonalnih i drugih potraga, izdavanje odgovarajućeg glasila o potragama i o vodenje odgovarajućih registara.

## UNIFORMISANA POLICIJA

Zaštita života, licne i imovinske sigurnosti stanovništva na podrucju Tuzlanskog kantona predstavlja prioritetan i trajan zadatak policije, koji ce se najefikasnije realizovati preduzimanjem širokog spektra preventivnih aktivnosti policije, kroz prisustvo na terenu, kontinuirano pracenje i analiziranje stanja bezbjednosti, saradnju sa građanima, brzo reagovanje policije na poziv gradana, kontrolu i regulisanje saobraćaja, sprecavanje cinjenja krivicnih djela, te pronalazenje i hvatanje izvršilaca krivicnih djela i dr.

Na osnovu pokazatelja stanja u oblasti javnog reda i mira u 2003. godini može se konstatovati da su mjere i aktivnosti koje su bile preduzimane u cilju unaprijedenja i intenziviranja preventivnog djelovanja policije rezultirale stabilizacijom stanja i donekle poboljšanja u ovoj oblasti.

Kako bi stanje u oblasti javnog reda i mira na podrucju Tuzlanskog kantona bilo još bolje, u toku 2004. godine ce se nastaviti i intenzivirati slijedeće aktivnosti:

- kontrolisanje rada ugostiteljskih objekata,
- nadzor nad licima sklonim narušavanju javnog reda i mira,
- angažovanje po problematici narkomanije, prosjacenja i prostitucije,
- zajednicko angažovanje sa drugim nadležnim institucijama na rješavanju problema maloljetnicke delikvencije kako u oblasti javnog reda i mira, tako i u oblasti kriminaliteta,
- vršiti adekvatnu procjenu i planiranje obezbjedenja javnih skupova,
- pojacati prisustvo patrola policije na terenu.

Osnovni ciljevi koji se žele postici u oblasti javnog reda i mira jesu: smanjenje ukupnog broja ucinjenih prekršaja, a posebno težih i masovnih oblika narušavanja javnog reda i mira.

Nosioci ovih aktivnosti su policijske stanice, svaka na svom podrucju odgovornosti, a za planiranje i realizaciju, kao i kontrolu postavljenih zadataka, cine se odgovornim komandiri policijskih stanica.

Pored navedenog, nastavice se sa aktivnostima na pronalasku i oduzimanju ilegalno posjedovanog oružja i minsko eksplozivnih sredstava od gradana, kao i aktivnosti na dobrovoljnoj predaji istog u okviru akcije "Žetva".

Kada je u pitanju kriminalitet, aktivnosti uniformisane policije prvenstveno ce biti usmjerene na sprecavanje vršenja krivicnih djela iz oblasti imovinskih delikata, a najčešći objekti napada su poslovni i stambeni prostori, kao i motorna vozila.

Zbog toga ce se u narednom periodu:

- pojacati nadzor nad licima sklonim vršenju krivicnih djela,
- pojacati kontrolu vozila, lica u vozilima i robe koja se prevozi,
- vršiti obezbjedenje pojacanim prisustvom patrola policije na terenu,
- pojacati aktivnosti policije samostalno i u saradnji sa drugim nadležnim organima na sprecavanju nezakonite sjece drveta, i dr.

Kada je u pitanju bezbjednost saobraćaja, prvenstveni cilj ce biti smanjenje ukupnog broja dogadanja saobraćajnih nezgoda, kroz obezbjedenje uslova za normalno odvijanje saobraćaja, što narocito podrazumjeva poštivanje saobraćajnih propisa i podizanje opšteg nivoa saobraćajne kulture svih ucesnika u saobraćaju.

Shodno izvršenim analizama saobraćajnih nezgoda po mjestu dogadanja, saobraćajnim uslovima i uzrocima njihovog dogadanja, locirana su tzv. "kriticna mjesta" na širem podrucju Kantona, na kojima ce se kontinuirano obezbjediti prisustvo policije.

Pored navedenog, a shodno izvršenim analizama prekršaja ucinjenih u saobraćaju, kako po

strukturni prekršaja, tako i po mjestu cinjenja prekršaja, planirano je izvođenje više akcija pojačane kontrole u saobraćaju na svim putnim pravcima Tuzlanskog kantona. Ove akcije će, između ostalog, za cilj imati smanjenje vožnje pod dejstvom alkohola, smanjenje učešća tehnički neispravnih vozila u saobraćaju, smanjenje upravljanja vozilom prije sticanja prava na upravljanje i dr.

Polazeći od utvrđenih poslova policije, Sektor uniformisane policije će u okviru svoje nadležnosti pratiti, osiguravati i uskladivati rad policijskih uprava i policijskih stanica, te vršiti nadzor nad njihovim radom i pružiti im stručnu pomoć u radu.

Imajući u vidu složenu bezbjednosnu situaciju, po svim segmentima, Sektor uniformisane policije će u narednoj godini kontinuirano i planski:

- preduzimati potrebne mjere u cilju potpunije saradnje između policijskih uprava i organizatora javnih skupova radi preduzimanja efikasnijih mjera za vrijeme održavanja javnih skupova;

- maksimalno se angažovati na suzbijanju prekršaja iz oblasti javnog prometa, posebno onih prekršaja koji se javljaju kao uzroci događanja saobraćajnih nezgoda;

- neposredno vršiti poslove i zadatke regulisanja i kontrole vozila i vozača kao i drugih učesnika u saobraćaju, u pogledu poštivanja zakona i drugih propisa iz oblasti bezbjednosti saobraćaja na putevima;

- pratiti i analizirati stanje saobraćaja na putevima na području Kantona s težištem na utvrđivanje uzroka nastanka saobraćajnih nezgoda i efikasnosti u preduzimanju mjera od strane policije, te s tim usmjeravati aktivnosti policije na poslovima bezbjednosti saobraćaja; Jedan od sve izraženijih problema sa kojima se suočavaju građani Kantona predstavlja prosjacenje koje je prisutno na svim javnim prostorima gdje se okuplja veći broj građana, u stambenim i drugim objektima pa i na putnim saobraćajnicama. Prosjacenjem se bave različite kategorije stanovništva, koji koriste širok spektar metoda i postupaka traženja novca od drugih ljudi, među kojima je sve izraženije prikupljanje novca u svrhu navodnog liječenja u inostranstvu. Nije mali broj slučajeva zloupotrebe djece u svrhu prosjacenja od strane grupa i pojedinaca.

Kada se radi o problematici prosjacenja, preduzimanje mjera i radnji od strane policije do sada nije dalo zadovoljavajuće rezultate. Policija će i u narednom periodu nastaviti aktivnosti u cilju sprečavanja prosjacenja na području Kantona, ali, cijenimo da je neophodno da se i druge nadležne institucije aktivnije uključe u rješavanje ove društvene pojave.

U cilju dosljednog sprovođenja zakona u pogledu ostvarivanja prava i izvršavanja obaveza građana, preduzeca i drugih organizacija, Sektor uniformisane policije će pružati stručnu pomoć policijskim upravama kod obezbjeđenja vršenja poslova i zadataka koji spadaju u nadležnost drugih državnih organa i preduzeca i drugih pravnih lica, kada oni na osnovu zakona vrše javna ovlaštenja.

Sektor uniformisane policije će u vršenju nadzora nad radom policijskih uprava i jedinica policije, pored ostalog, raditi na utvrđivanju zakonitosti i pravilnosti preduzetih mjera u vršenju poslova i djelovanja rada policije, ostvariti uvid u organizaciju i metodologiju rada, stanje i probleme bezbjednosti na području određene policijske uprave, stanje MTS-a i opreme policije .

Pružiti će se stručna pomoć kod vršenja nadzora nad radom Auto-škola, i preduzeca za servis i popravku vozila, te ostvariti nadzor na radom auto stanica za vršenje tehničkog pregleda vozila.

## KRIMINALISTICKA POLICIJA

Ministarstvo unutrašnjih poslova Tuzlanskog kantona će intenzivirati aktivnosti usmjerene na sprečavanje izvršenja svih oblika kriminalnih radnji, rasvjetljavanje krivičnih djela učinjenih po nepoznatom učiniocu i obezbjeđenje dokaza za uspješno i efikasno vodenje krivičnog postupka. Posebnim aktivnostima biće obuhvaćena krivična djela: protiv privrede; organizovanog kriminala; korupcije; crnog tržišta; "pranja novca"; poreskih utaja; proizvodnje, prometa i uživanja opojnih droga; seksualnim deliktima; trgovini ljudima i prostituciji; maloljetničkim deliktima; rasturanju falsifikovanog novca; otudenju vozila na motorni pogon; falsifikovanju isprava; krivičnim djelima krvnih delikata i međunarodnog humanitarnog prava; terorizma i druga krivična djela, imajući u vidu da sve veći broj krivičnih djela iz navedenih grupa poprima oblik organizovanog, međukantonalnog, međuentitetskog i internacionalnog kriminala.

Tokom 2004. godine će se, u saradnji sa EUPM a u cilju uspostavljanja kvalitetnije i efikasnije organizacije policije za borbu protiv organizovanog, privrednog i drugih složenih

oblika kriminala, izvršiti reorganizacija kriminalističke policije MUP-a TK.

#### Organizovani kriminal

Porast težih oblika kriminaliteta na području Tuzlanskog kantona i šire, nameće potrebu intenzivnije borbe protiv svih vidova organizovanog kriminala sa krajnjim ciljem dokumentovanja krivičnih djela protiv privrede, zloupotrebe službene i druge odgovorne dužnosti, suzbijanje i rasvjetljavanje raznih vidova krijumčarenja roba, ljudi, kapitala, oružja, droge, falsifikovanog novca, organizovane prostitucije, "reketa", sive ekonomije (crnog tržišta), poreznih utaja, "pranje novca" i dr.

U saradnji sa Kantonalnim Tužilaštvom i Poreskom upravom radiće se na postojećim i otkrivanju novih slučajeva tzv. fiktivnih firmi. Po ovom pitanju intenzivirat će se saradnja sa MUP-ovima kantona, MUP-om iz drugog BH entiteta, Regionalnom istražnom jedinicom Poreske uprave, CAFAO-om i drugim subjektima.

Na osnovu sacinjenih planova nastaviti će se aktivnosti na dokumentovanju krivičnih djela korupcije, kao što su: primanja i davanja mita, nelegalnog uvoza roba (prevare carinskih organa), porezne utaje, nezakonitosti u oblasti javne potrošnje, prevare u procesu privatizaciji i sticanju vlasništva, nezakonitih radnji u raspolaganju sa humanitarnom pomoći i donacijama i druga krivična djela sa obilježjem korupcije.

#### Imovinski delikti

Analizom podataka o krivičnim djelima i prijavljenim uciniocima, za period od 1996. do 2003. godine, dolazi se do zaključka da krivična djela protiv imovine, u ukupnoj strukturi ucinjenih krivičnih djela na području Kantona, imaju najveću zastupljenost (oko 70%), a posebno ako se imaju u vidu krivična djela ucinjena po nepoznatom uciniocu. S tim u vezi, ovo Ministarstvo će i u 2004. godini intenzivirati aktivnosti na sprecavanju i rasvjetljavanju svih krivičnih djela iz ove oblasti. Nosilac ovih aktivnosti je Sektor kriminalističke policije, koji će koordinirati rad odjeljenja kriminalističke policije i uniformisane policije u policijskim upravama, pružati im stručnu pomoć i aktivnije saradivati sa građanima i drugim organima i institucijama po ovoj oblasti.

S obzirom da su aktivnosti policije MUP-a TK u prethodnom periodu dale određene rezultate u oblasti otudjenja i pokušaja otudjenja motornih vozila, u narednom periodu će se intenzivirati angažovanje operativnog sastava kriminalističke i uniformisane policije u cilju sprecavanja otudjenja motornih vozila tako i u cilju pronalaska otuđenih vozila iz ranijeg perioda i otkrivanja pocinilaca tih krivičnih djela. Znacajna pažnja će se posvetiti i edukaciji građanstva u cilju zaštite motornih vozila od provala i krađe, a u sklopu preventivnih mjera planiran je veći broj akcija pojačane kontrole motornih vozila, vozaca i saputnika, nego u prethodnoj godini.

Dobre rezultate u oblasti imovinskih delikata dale su planske aktivnosti ovog Ministarstva na operativnom pokrivanju i procjeni kriminalno aktivnih i bezbjednosno interesantnih lica-ucinilaca krivičnih djela iz ove oblasti, koje je potrebno nastaviti i u 2004. godini, u cilju čije realizacije je potrebno angažovati veći broj raspoloživih stručno obučanih službenika policije, vozila i materijalno-tehničkih sredstava i opreme.

Analizom strukture krivičnih djela u oblasti imovine, u toku 2003. i prethodnih godina, uočeno je da krivična djela teške krađe, razbojnicke krađe i razbojništva, imaju trend rasta. Zbog naprijed navedenog, u 2004. godini planirano je niz operativno-taktičkih mjera i aktivnosti u cilju smanjenja broja krivičnih djela teških razbojnicke krađe i razbojništva, otkrivanju ucinioca ovih krivičnih djela koja su prethodno prijavljena po nepoznatom uciniocu i hvatanju ucinilaca na licu mjesta.

Maloljetnička delikvencija na području Tuzlanskog kantona je sve izraženija i manifestuje se kroz širok spektar društveno štetnih i nezakonitih oblika ponašanja maloljetnika, među kojima je posebno izraženo vršenje različitih krivičnih djela, pa i onih najtežih. Aktivnosti policije u ovoj oblasti do sada nisu dale zadovoljavajuće rezultate, prije svega zbog prisustva određenih problema koji se ticu smještaja i zbrinjavanja maloljetnih delikvenata, zbog čega je neophodno uključenje šire društvene zajednice u rješavanje ovog narastajućeg problema. MUP TK će nastaviti sa preduzimanjem mjera i aktivnosti u cilju suzbijanja, sprecavanja, otkrivanja i dokumentovanja krivičnih djela izvršenih od strane maloljetnika.

#### Krvni delikti i delikt protiv međunarodnog prava

U toku 2004. godine, Uprava policije MUP-a TK će svoje aktivnosti usmjeriti na sprecavanje, dokumentovanje i razotkrivanje krivičnih djela protiv međunarodnog prava, krivičnih djela protiv života i tijela, krivičnih djela protiv dostojanstva ličnosti i morala, i krivičnih djela protiv

života i tijela-nanošenje teških tjelesnih povreda.

#### Narkomanija

Analizom problematike po pitanju narkomanije na području Tuzlanskog kantona, može se konstatovati usložnjavanje ove problematike, koja se ogleda u porastu ilegalne trgovine opojnim drogama, broja uživalaca "lakših" droga, ali i sve češće upotrebe tzv. "teških droga" na našem području. Kriminalno aktivna lica sa područja našeg Kantona, u sprezi sa licima iz oba BH entiteta i iz inostranstva, ulaže sve više materijalno-finansijskih sredstava u trgovinu opojnim drogama, koja je trenutno u svijetu jedan od najunosnijih ilegalnih poslova.

U cilju vodenja sistematske, stručne i sveobuhvatne borbe protiv ove pojave, Ministarstvo će u toku 2004. godine poduzeti slijedeće mjere i radnje:

- pojacati nadzor nad licima koja su evidentirana kao uživaoci narkotika u cilju razotkrivanja lica koja preprodaju drogu kao i nadzor nad objektima, odnosno mjestima gdje se ista rastura ili konzumira;
- intenzivirati saradnju sa EUPM-om, FMUP-om, MUP-om RS i MUP-ovima drugih kantona u cilju preduzimanja zajednickih i koordiniranih aktivnosti na otkrivanju lica koja se bave proizvodnjom, rasturanjem i uživanjem opojnih droga, sprecavanju i presijecanju tranzitnih puteva "teških droga";
- u saradnji sa EUPM-om i drugim medunarodnim organizacijama, organizovati i permanentno sprovoditi edukaciju službenika Ministarstva vezano za problematiku borbe protiv narkomanije;
- u saradnji sa obrazovnim institucijama i putem medija organizovati predavanja po školskim ustanovama, uzeti aktivno učešće u emisijama na radiju i televiziji na temu narkomanija i opasnosti koje ona nosi po širu društvenu zajednicu;
- pokrenuti inicijativu za kontrolu kupovine lijekova koji u sebi sadrže psihotropne supstance i dr.

#### Trgovina ljudima i prostitucija

Obzirom na složenost problematike vezane za otkrivanje i suzbijanje trgovine ljudima i prostitucije, imajući u vidu opasnost koju nosi ova negativna pojava, prioritetni zadatak u narednoj godini bice razotkrivanje i suzbijanje pojave prostitucije i trgovina ljudima na području našeg Kantona, kao i drugih radnji koje su u vezi sa ovim oblikom kriminala (podvođenje i posredovanje u vršenju prostitucije). Za ostvarivanje predviđenog cilja neophodno je ostvariti saradnju sa svim domacim i medunarodnim subjektima, policijskim snagama, te vladinim i nevladinim organizacijama koje se bave ovom vrstom društvenog problema.

Od strane Ministarstva unutrašnjih poslova Tuzlanskog kantona, a vezano za oblast prostitucije, u toku 2004. godine planira se:

- nastaviti i intenzivirati organizovane akcije u cilju sprecavanja i dokumentovanja krivicne odgovornosti lica koja se bave posredovanjem u prostituciji, uvažavajući pri tome zahtjeve koje je Ministarstvu postavio EUPM "STOP tim";
  - organizovati radno-konsultativne sastanke sa operativnim službenicima u policijskim upravama po zavedenim akcijama, radi sagledavanja cjelokupnog stanja u ovoj oblasti i efikasnije koordinacije, te ostvarivanja boljih rezultata na rasvjetljavanju ove problematike;
- Analizom problematike prostitucije na području Tuzlanskog kantona u prethodnom periodu, uoceno je smanjenje ukupnog broja slucajeva prostitucije u "kriticnim" ugostiteljskim i drugim objektima, dok je došlo do porasta slucajeva prostitucije u privatnim stambenim objektima (stanovi, kuće, vikendice). Zbog toga ce se u 2004. godini posvetiti veca pažnja prikupljanju informacija i dokaza u cilju dokumentovanja navedenog oblika bavljenja prostitucijom, kao i preduzimanje mjera i radnji u cilju otkrivanja fiktivno sklopljenih brakova stranih državljanke sa državljanima BiH.

#### Nasilje u porodici

U okviru borbe protiv nasilja u porodici, nasilja nad ženama, nasilja nad maloljetnim osobama, kao i raznih vidova seksualnog zlostavljanja, Ministarstvo unutrašnjih poslova je oformilo specijalizirani tim koji ce se u narednom periodu baviti dokumentovanjem slucajeva iz navedene oblasti, procjenom težine slucaja i preduzimanjem zakonom predviđenih mjera protiv pocinilaca, a u cilju razrješavanja spora. Ova problematika je veoma složena imajući u vidu da efekti preduzetih mjera od strane službenika policije protiv pocinilaca, u postojećem zakonskom okviru, nisu dovoljni da se ovi oblici nasilja u potpunosti sprijece, s obzirom da su česti slucajevi da pocinioci nastavljaju sa nasiljem nad članovima svoje porodice, a ponekad

i u većem obimu.

U ove aktivnosti, pored službenika policije, moraju se uključiti centri za socijalni rad, domovi zdravlja, a u slučaju potrebe tužilaštva i sudovi. Pored toga, neophodno je uključiti i druge vladine i nevladine organizacije koje se bave ovom problematikom. U svim ovim aktivnostima prioritetan je zadatak zaštite žrtve nasilja, koji do sada nije adekvatno riješen.

## TELEKOMUNIKACIJE I INFORMATIKA

Pored redovnog održavanja telekomunikacionih veza (radio-opreme i telefonije) na nivou Ministarstva, u toku 2004. godine je predviđena nabavka i ugradnja jedne moderne ISDN telefonske centrale, kao i nabavka savremene tehničke opreme potrebne za operativni centar Ministarstva u sjedištu i operativne centre u policijskim upravama (pozivni centri, kontrolni centri registrafoni itd.).

U sistemu radio veza, planirana je distribucija i montaža preostalog dijela opreme donirane od strane UN misije u BiH.

U okviru poslova informatike, tokom 2004. godine nastavice se aktivnosti po projektu CIPS vezane za instaliranje opreme i uvezivanje informaticke mreže po opštinama Tuzlanskog kantona. Pored modula licnih karata i vozačkih dozvola, predviđeno je da se u toku 2004. godine implementira i počne sa korištenjem aplikacija motornih vozila tj. evidencija registrovanih motornih vozila na nivou cijele Bosne i Hercegovine.

Odjeljne informatike će do kraja tekuće kalendarske godine staviti u funkciju software Specijalnih policijskih izvještaja a dinamiku implementacije će nastaviti u 2004 godini.

U toku 2004. godine izvršice se instaliranje lokalne informaticke mreže u sjedištu Ministarstva kao i umrežavanje policijskih uprava i policijskih stanica u informacioni sistem MUP-a opremom koja je nabavljena kroz kapitalna ulaganja u 2003. godini.

## RAD U ZAJEDNICI

Saradnju ovog Ministarstva sa svim relevantnim subjektima neophodno je podići na najviši mogući nivo, jer se djelovanje i aktivnosti Ministarstva na osiguranju što bolje ukupne bezbjednosti na području Kantona ne mogu uspješno i efikasno odvijati i sprovesti bez angažovanja svih relevantnih subjekata, a posebno bez adekvatne saradnje i angažovanosti građanstva.

S tim u vezi, nastavice se realizacija započetih akcija: "Vaša policija služi Vama", "Odnos sa zajednicom", "Put u partnerstvo sa zajednicom", "Školski program", "Otvorena kuća" i dr. kroz direktne kontakte i razgovore sa građanima, prisustvom na sastancima mjesnih zajednica sa ciljem zajedničkog sagledavanja stanja sigurnosti u lokalnim zajednicama i razmatranje informacija dobijenih od organa vlasti i samih građana, kroz posjete školama i edukaciju učenika, stvarajući takav odnos da se učenici mogu obratiti policajcima na terenu za pomoć, savjete i sl.

Zajednički cilj svih ovih akcija jeste zbližavanje policije sa članovima zajednice i postizanje što boljih uslova za eliminisanje društveno štetnih pojava i podizanja stanja ukupne bezbjednosti na veći nivo.

## ADMINISTRACIJA I PODRŠKA

Pravni i upravni poslovi

Shodno Zakonu o unutrašnjim poslovima MUP-a TK-a, kojim je utvrđena nadležnost ovog Ministarstva i odredbama Pravilnika o unutrašnjoj organizaciji i sistematizaciji MUP-a TK-a u 2004. godini vršice se slijedeći poslovi:

- sprovođenje prvostepenog i drugostepenog upravnog postupka i donošenje rješenja po žalbama i po pravu nadzora u oblasti bezbjednosti saobraćaja na putevima, licnog imena, državljanstva, licnih karata, putnih isprava, JMB-a, prebivališta i boravišta građana i maticnih knjiga,
- sprovođenje upravnog nadzora nad radom 13 Odsjeka za administraciju i podršku i to putem redovnih kontrola koje se planiraju po jednom mjesecno, a vanredne kontrole prema ukazanoj potrebi,
- vodenje postupka i donošenje rješenja u vezi sa promjenom entitetskog državljanstva,
- pripremanje dokumentacije koja se odnosi na sticanje i prestanak BiH državljanstva i dostavljanje iste nadležnom Ministarstvu,
- štampanje putnih isprava,
- odgovaranje na tužbe po upravnim sporovima,
- odgovaranje na žalbe žalitelja upucene Ombudsmenima F BiH,

- “ davanje uputstava za rad organizacionim jedinicama Ministarstva u cilju jedinstvenog postupanja,
- “ vodenje evidencija o pecatima Ministarstva i drugih organa propisane od strane Ministarstva pravosuda i uprave TK-a,
- “ aktivno doprinijeti realizaciji projekta CIPS,
- “ obavljanje poslova prijema i otpreme pošte, i arhivskih poslova u pisarnici Ministarstva,
- “ pripremanje izvještaja i informacija o stanju rješavanja upravnih predmeta, te ostale izvještaje i informacije iz djelokruga pravnih i upravnih poslova.

#### Boravak i kretanje stranaca

Novi Zakon o kretanju i boravku stranaca, ("Sl. glasnik BiH", broj 29/03), koji je stupio na snagu 14. oktobra 2003. godine, imace za posljedicu znacajno povecanje obima aktivnosti iz djelokruga Odjeljenja za strance MUP-a TK.

U cilju što kvalitetnijeg obavljanja poslova iz oblasti boravka i kretanja stranaca, sacinjen je plan obilaska ugostiteljskih objekata na podrucju TK-a tokom 2004. godine, koji ce se realizovati u saradnji sa ovlaštenim službenicima ovog Ministarstva. Cilj ovih aktivnosti je izvršiti kontrolu boravka stranih državljana kao i kontrolu legalnosti zaposlenja stranih državljana i njihovog angažovanja na povremenim ili privremenim poslovima. U skladu sa navedenim, a na osnovu utvrdenog stanja na terenu, preduzimace se mjere otkaza boravka, kao i mjere protjerivanja stranaca sa prostora BiH.

Kako je novim Zakonom propisana obaveza pravnih i fizickih lica koja pružaju usluge smještaja strancima, da u roku od 12 sati prijave ovom Ministarstvu boravak stranaca u svojim objektima, te da vode knjigu stranaca, Odjeljenje za strance MUP-a TK ce u narednoj godini konstantno vršiti nadzor nad provođenjem navedenih odredbi Zakona, te podnositi zahtjeve za pokretanje prekršajnog postupka protiv vlasnika i odgovornih lica koji imaju navedene obaveze.

Odredbama novog Zakona o strancima propisano je da Odjeljenje za strance u sklopu redovnih poslova vrši prijem zahtjeva za azil, te je po tom pitanju neophodna saradnja sa nadležnim Ministarstvom sigurnosti BiH koje rješava zahtjev stranca za azil. Kako bi se kvalitetnije rješavali zahtjevi za azil, neophodno je uspostaviti odgovarajucu saradnju sa UNHCR-om, koji je u prethodnom periodu prihvatao zahtjeve za azil.

#### Kadrovski poslovi

Služba za kadrovske poslove MUP-a TK ce u toku 2004. godine sprovoditi propise iz oblasti radnih odnosa; ažurirati podatke o svim zaposlenim službenicima i namještenicima; rješavati statusna pitanja službenika, penzijsko-invalidsko osiguranje; pripremati rješenja o prijemu i rasporedu službenika na poslove i radne zadatke, rješenja o prestanku radnog odnosa, rješenja o godišnjim odmorima i druga rješenja i akte koji se odnose na oblast radnih odnosa; vršiti pripremu prijedloga normativnih akata koji regulišu oblast radnih odnosa; pružati strucna pomoc disciplinskim tužiocima i disciplinskim komisijama u sprovođenju disciplinskih postupaka; pripremati ugovore za polaznike Policijske akademije, kao i rješenja o rasporedu svršenih polaznika Policijske akademije; davati odgovore na žalbe i tužbe te pružati pravne savjete službenicima i namještenicima Ministarstva u vezi sa ostvarenjem prava iz radnog odnosa; nastaviti zapocete aktivnosti u cilju provjere validnosti diploma i drugih uvjerenja svih službenika i namještenika Ministarstva kao i druge poslove i zadatke iz djelokruga kadrovskih poslova.

#### Podrška

Redovni poslovi i zadaci iz djelokruga finansijskih i komercijalnih poslova su: prijem, obrada i dostavljanje dokumentacije trezoru; materijalno-tehnicko opremanje službi Ministarstva; obezbjedenje trebovanih roba po zahtjevima organizacionih jedinica; skladištenje roba u magacin MUP-a TK; obezbjedenje obrazaca putnih isprava, saobraćajnih dozvola, licnih karata, registarskih tablica i drugih obrazaca od strane FMUP-a; tehnicko-higijensko održavanje objekata; održavanje auto-parka i pracenje tehnicke ispravnosti vozila; obavljanje tehnickih pregleda, osiguranja i registracije vozila vlasništvo MUP-a i dr.

Pored redovnih poslova i zadataka, u toku 2004. godine, posebne aktivnosti ce biti usmjerene na realizaciju plana kapitalnih ulaganja, a to se odnosi na: nabavku službenih vozila, sredstava veze, kratkog naoružanja, informaticke opreme, opreme potrebne za krim-tehniku i dr.

Nastavice se zapocete aktivnosti u saradnji sa Federalnim ministarstvom odbrane oko prenosa vlasništva nad objektom u krugu kasarne "Husein Kapetan Gradašcevic", te izrada

projektne dokumentacije kao i adaptacija navedenog objekta za potrebe Policijske stanice "Istok" i Jedinice za podršku.

U saradnji sa Ministarstvom pravde Tuzlanskog kantona, nastavice se aktivnosti oko obezbjeđenja prostora za smještaj Policijske uprave Živinice u prostorijama koje trenutno koristi Opcinski sud Živinice.

## KABINET MINISTRA

U skladu sa Programom rada Vlade i Skupštine kantona za 2004. godinu, Ministarstvo će periodično i po ukazanoj potrebi, Vladi i Skupštini Kantona dostavljati na razmatranje i usvajanje izvještaje o radu, informacije po pojedinim oblastima iz svog djelokruga rada i prijedloge mjera za unapređenje stanja u svakoj pojedinačnoj oblasti, kao i unapređenje ukupnog stanja bezbjednosti na području Tuzlanskog kantona.

U toku 2004. godine, shodno ukazanoj potrebi vršice se uskladjivanje zakona i podzakonskih akata iz djelokruga unutrašnjih poslova Tuzlanskog kantona.

### Zaštita od požara

Prioritetni zadatak Ministarstva u oblasti protivpožarne zaštite je obezbijediti funkcionalni inspekcijski nadzor nad zaštitom od požara na cijelom području Tuzlanskog kantona, a naročito:

- sprovođenje kantonalnog Zakona o zaštiti od požara;
- vršenje neposrednog inspekcijskog nadzora u objektima koji su od posebnog značaja za Federaciju i TK, objektima sa izraženim stepenom požarne opasnosti, kao i objektima u kojima boravi ili radi ili se iz bilo kojeg razloga okuplja veći broj lica, s posebnim akcentom na zadovoljavanje uslova za sigurnu i efikasnu evakuaciju;
- nadzor nad prometom eksplozivnih materija s osnovnim zadatkom da se svi elementi prometa (proizvodnja, skladištenje, prevoz, prodaja i korištenje) uvedu u zakonski okvir i stavi pod puni nadzor Ministarstva unutrašnjih poslova;
- nadzor nad proizvodnjom, prevozom, uskladištenjem i upotrebom zapaljivih teciosti i gasova, s posebnim akcentom na uskladenost sa propisima i ispravnost uređaja koji troše zapaljive teciosti i gasove, kao i njihovih pripadajućih instalacija;
- vršenje uvida u materijalno-tehnicku opremljenost i kadrovsku osposobljenost vatrogasnih jedinica u cilju ocjene njihove mobilnosti i osposobljenosti za gašenje požara;
- vršenje uvida u stanje opreme i sredstava za gašenje požara, njihove pristupacnosti kao i prohodnosti pristupnih puteva za vatrogasna vozila;
- ucestvovanje u radu ekipa na rasvjetljavanju uzroka i nastanka požara, havarija i eksplozija;
- učešće u radu komisija za tehnicki prijem objekata, komisija za polaganje strucnog ispita za lica koja se bave poslovima zaštite od požara, komisija za polaganje ispita za profesionalne vatrogasce, komisija za provjeru znanja lica koja prevoze i rukuju opasnim materijama u promatu, kao i komisija za provjeru znanja lica koja rukuju zapaljivim teciostima i gasovima i eksplozivnim materijama.

### Služba za odnose sa javnošću

Putem svakodnevnih redovnih i vanrednih kontakata sa predstavnicima javnog informisanja, Ministarstvo će građane Kantona i šire, u skladu sa Zakonom i Pravilnikom, transparentno informisati o svim aktivnostima Ministarstva na ostvarivanju osnovnih zadataka zaštite licne i imovinske sigurnosti građana, borbi protiv svih oblika kriminala, bezbjednosti saobraćaja, javnom redu i miru kao i drugim sadržajima.

Ova aktivnost će se odvijati putem redovnih i vanrednih press konferencija, pismenih i usmenih saopštenja za javnost, ucestvovanja službenika Ministarstva u emisijama elektronskih medija kao i po određenim sadržajima u pisanim medijima, kontakata sa drugim vladinim i nevladinim institucijama i tijelima, neposrednim kontaktima sa građanima i slicno.

### Normativno-pravna oblast

U toku 2004. godine, u skladu sa ukazanom potrebom vršiti uskladjivanje zakona i podzakonskih akata iz djelokruga unutrašnjih poslova Tuzlanskog kantona.

### Izveštajno-analiticka oblast

Vladi Tuzlanskog kantona predlažemo da u okviru svojih redovnih sjednica u toku 2004. godine uvrsti razmatranje slijedecih tacki dnevnog reda iz oblasti unutrašnjih poslova:

R Izveštaj o radu Ministarstva unutrašnjih poslova Tuzlanskog kantona u 2003. godini

(januar 2004. godine);  
R Program rada Ministarstva unutrašnjih poslova Tuzlanskog kantona za 2004.godinu (januar 2004. godine);  
R Informacija o maloljetnickoj delikvenciji na podrucju Tuzlanskog kantona u 2003. godini (februar 2004. godine);  
R Informacija o stanju zaštite od požara na podrucju Tuzlanskog kantona u 2003. godini (februar 2004. godine);  
R Informacija o boravku i kretanju stranaca na podrucju Tuzlanskog kantona u 2003. godini (februar 2004. godine);  
R Informacija o stanju javnog reda i mira na podrucju Tuzlanskog kantona za period januar - mart 2004.godine (april 2004.godine);  
R Informacija o stanju bezbjednosti saobracaja na putevima Tuzlanskog kantona za periodu januar - mart 2004. godine (april 2004. godine);  
R Informacija o stanju kriminaliteta na podrucju Tuzlanskog kantona za period januar - mart 2004. godine (april 2004.godine);  
R Izvještaj o radu Ministarstva unutrašnjih poslova Tuzlanskog kantona za period januar - juni 2004. godine (juli 2002.godine);  
R Informacija o stanju javnog reda i mira na podrucju Tuzlanskog kantona za period januar - septembar 2004.godine (oktobar 2004.godine);  
R Informacija o stanju bezbjednosti saobracaja na putevima Tuzlanskog kantona za periodu januar - septembar 2004. godine (oktobar 2004. godine);  
R Informacija o stanju kriminaliteta na podrucju Tuzlanskog kantona za period januar - septembar 2004. godine (oktobar 2004.godine);

\* \* \* \* \*

Za realizaciju planiranih i drugih poslova i zadataka iz djelokruga Ministarstva unutrašnjih poslova Tuzlanskog kantona bice angažovano ukupno 1.984 službenika i namještenika, kako je predvideno Pravilnikom o unutrašnjoj organizaciji, od kojih 1.563 ovlaštena službenika policije, 169 službenika policijske administracije i podrške, 19 službenika u Kabinetu ministra i 233 službenika i namještenika u Upravi za administraciju i podršku MUP-a TK.

**M I N I S T A R**

Dr. Sead Omerbegovic